

Na osnovu članova 13. i 38. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, broj: 28/11, 52/25), u skladu sa članovima 15, 48, 54, 58. i 65. Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, broj: 9/10), poglavljem III Odluke o osnivanju Fonda za profesionalnu rehabilitaciju i zapošljavanje osoba s invaliditetom („Službene novine Federacije BiH“, broj: 48/10), u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24), a na prijedlog direktora Fonda, privremeni Upravni odbor Fonda za profesionalnu rehabilitaciju i zapošljavanje osoba sa invaliditetom, na 101. sjednici održanoj dana 04.08.2026. godine d o n o s i:

P R A V I L N I K O I Z M J E N A M A

Pravilnika o raspodjeli sredstava Fonda za profesionalnu rehabilitaciju i zapošljavanje osoba sa invaliditetom za dodjelu novčanog stimulansa za novo zapošljavanje osoba sa invaliditetom broj: 01-02-2-8680/26 od 15.07.2026. godine

Član 1.

U Pravilniku o raspodjeli sredstava Fonda za profesionalnu rehabilitaciju i zapošljavanje osoba sa invaliditetom za dodjelu novčanog stimulansa za novo zapošljavanje osoba sa invaliditetom broj: 01-02-2-8680/26 od 15.07.2026. godine (u daljem tekstu: Pravilnik) mijenja se član 5. stav (1) tačka I) i glasi:

„Da osnivač i odgovorno lice podnosioca aplikacije nije osuđivano za krivična djela. Odredba u dijelu osnivača ne primjenjuje se na podnosiocima aplikacije čiji je osnivač Bosna i Hercegovina, entitet, kantonalna vlada, jedinica lokalne samouprave (općina/grad) ili čiji su osnivači javne ustanove i javna poduzeća;“

Član 2.

U članu 5. stav (2) briše se tačka h), dok tačke i) i j) postaju tačke h) i i).

Član 3.

U članu 7. stav (3) briše se tačka g), a tačka h) postaje tačka g).

Član 4.

U članu 7. stav (1) tačka a), iza riječi: „ovjerena kopija“ dodaju se riječi: „ili original“.

Član 5.

U članu 7. stav (1) tačka d), riječi „stav (4)“ zamjenjuju se riječima „stav (5)“.

Član 6.

U članu 7. stav (1) tačka g) mijenja se i glasi:

„Izjava osobe sa invaliditetom koja se zapošljava ili samozapošljava, a koja ima navršenih 65 ili više godina života, da nije korisnik penzije, ovjerena u općini/gradu, u originalu, ne starija od dana objavljivanja javnog poziva.“

Član 7.

U članu 7. stav (2) tačka o) mijenja se i glasi:

„Uvjerenje o nekažnjavanju kao dokaz da osnivač i odgovorno lice podnosioca aplikacije nije osuđivano za krivična djela, izdato od strane Ministarstva unutrašnjih poslova prema mjestu rođenja/prebivališta osnivača i odgovornog lica. Za osnivača i odgovorno lice podnosioca aplikacije koje nije rođeno u Bosni i Hercegovini, dostavlja se Uvjerenje o nekažnjavanju izdato od strane Ministarstva unutrašnjih poslova prema mjestu prebivališta odgovornog lica. Ukoliko je osnivač podnosioca aplikacije pravno lice dostavlja se Uvjerenje o nekažnjavanju za odgovorno lice osnivača podnosioca aplikacije, izdato od strane Ministarstva unutrašnjih poslova prema mjestu rođenja/prebivališta. Navedeni dokazi se dostavljaju u originalu ne stariji od dana objavljivanja javnog poziva, najkasnije prilikom potpisivanja ugovora s Fondom. Odredba u dijelu osnivača ne primjenjuje se na podnosiocima aplikacije čiji je osnivač Bosna i Hercegovina, entitet, kantonalna vlada, jedinica lokalne samouprave (općina/grad) ili čiji su osnivači javne ustanove i javna poduzeća;“

Član 8.

U članu 9. stav (1) tačka f) mijenja se i glasi:

„Utvrđiti usklađenost planiranih namjena aplikanta sa namjenama propisanim javnim pozivom te iznos sredstava za namjene koje nisu u skladu sa javnim pozivom ili za koje nije dostavljen predračun rasporediti na namjenu: „finansiranje/sufinansiranje plaće odnosno sredstava naknade razlike zbog smanjenog radnog učinka za novozaposlene osobe“. Iznos novčanog stimulansa za samozapošljavanje, bez obzira na maksimalni iznos utvrđen Javnim pozivom u skladu sa stepenom invaliditeta, bit će umanjen ukoliko aplikant ne dostavi predračune za prihvatljive troškove u vrijednosti koja odgovara pripadajućem iznosu. Sredstva će biti odobrena isključivo za namjene i u iznosu koji su potkrijepljeni predračunima usklađenim sa uslovima Javnog poziva.“

Član 9.

U članu 15. stav (2) mijenja se i glasi:

„Korisnik sredstava se obavezuje da će isplaćena sredstva osnovnog dijela novčanog stimulansa pravdati dostavljanjem izvještaja u roku 30 dana po isteku 12 mjeseci od dana zaključenja ugovora sa Fondom.“

Uz izvještaj, korisnik dostavlja originalnu Listu osiguranih lica od Porezne uprave FBiH kao dokaz da je osoba u radnom odnosu minimalno 12 mjeseci od dana potpisivanja ugovora kojom potvrđuje da je osoba za koju je stimulans dodjeljen u radnom odnosu. Ukoliko se zaposlena osoba sa invaliditetom ne nalazi na dostavljenoj Listi osiguranih lica ili poslodavac nije izvršio zamjenu osobe u skladu sa ugovorom i Pravilnikom, dužan je u roku predviđenim ugovorom izvršiti povrat u skladu sa pismenom obavijesti Fonda.“

Član 10.

U članu 15. stav (3) mijenja se i isti glasi:

„Poslodavac se obavezuje da će izvještaj o konačnom pravdanju novčanog stimulansa pravdati dostavljanjem propisane dokumentacije u roku od 30 dana po isteku 18 mjeseci od dana zaključenja ugovora sa Fondom. U konačnom pravdanju korisnik dostavlja dokaze o utrošku sredstava koji su vezani za vremenski period od trinaestog, a zaključno sa osamnaestim mjesecom od dana zaključenja ugovora sa Fondom. Uz izvještaj, korisnik dostavlja originalnu Listu osiguranih lica od Porezne uprave FBiH (ne stariju od 15 dana od dana podnošenja izvještaja) kojom potvrđuje da je osoba za koju je novčani stimulans dodijeljen u radnom odnosu. Ukoliko se zaposlena osoba sa invaliditetom ne nalazi na dostavljenoj Listi osiguranih lica ili poslodavac nije izvršio zamjenu osobe u skladu sa ugovorom i Pravilnikom, dužan je u roku predviđenim ugovorom izvršiti povrat uplaćenog uvećanog dijela novčanog stimulansa.“

Član 11.

Ostale odredbe Pravilnika o raspodjeli sredstava Fonda za profesionalnu rehabilitaciju i zapošljavanje osoba sa invaliditetom za dodjelu novčanog stimulansa za novo zapošljavanje osoba sa invaliditetom broj: 01-02-2-8680/26 od 15.07.2026. godine ostaju nepromijenjene.

Član 12.

Ovaj Pravilnik stupa na snagu danom donošenja.

PREDSJEDNIK UPRAVNOG ODBORA

Dr. Senad Pešto

Broj: 01-02-2-9603/26
Sarajevo, 04.08.2026. godine

